

Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

**Apeqqut:**

- 1) Oqaatineqartarpoq Qaanaami aalisartut qaleralinnik Royal Greenlandimut tunisineranni kiilumut kr. 16,50 atuutsinneqartartoq. Piffinni allani tunisinermi akit qanoq inissisimappat?**
  - a. Suna pissutaava qaleralinniarnermi pisarineqartartut akigitinneqartut piffinniit piffinnut akii appassinnerumik akilersorneqartarnerinut?**
- 2) Taamatut akilerlutsitsineq Naalakkersuisut Royal Greenland-imik piginnittut akuersaarpisiuuk?**
  - a. Naalakkersuisunik akueriinnarneqarpa taamatut akilerlutsitsineq?**
  - b. Taamatut akilersuititsinissi allangortinnissaanik eqqarsaatersuuteqarpisi?**

(Inatsisartuni ilaasortaq Hans Enoksen, Naleraq)

**Tungavilersuut:**

Qaanaami qalerallit taamaalaat kiilomut kr. 16,50 akigitinneqartarpoq uffalu sinerissami kr. 30,00 tungaanut akit tikinneqartalutik, ilaatigut kr. 30,00 qummut sinnertarlugu akilersuisoqartarluni.

Qaanaami qaleralinniat akiluttofigineqarnerat qaangerneqartariaqarpoq aallatulli qaleralinniannut akit atuutsinneqartut atulersinneqarlutik. Tupinnaqaaq taamak Royal Greenland soqutigitaatsigaluni aalisartut ilaat iluanaarniarfigipilummagit. Qaleralik qaleraliuvoq aamma avammut niuernermi qalerallit allatorneqarneq ajorput suminngaaneerteri ilanngullugit. Akit assigiinngisinneqartussaappat? Ukiukkut issittorsuarmi aalisartut qaleralittaminnik imaanut errortueqaarlutik aatsaat pisatik tunisinnaasarsimavaat, nunatsinni qaleralinnianik allanik akinik appasinneroqqisunik.

Aaqqinniarsigit akit allanut naapertuutsilerlugit, assiginngisitsineq taamaattoq akuersarneqarsinnaanngivippoq.

Apeqqutimma ullut suliffiusut qulit iluanni akineqarnissaat kissaatigaara.